

Sheria Ndogo Za (Ushuru wa Huduma) Za Halmashauri ya Mji wa Kondoa

TANGAZO LA SERIKALI Na. 515 la tarehe 14/9/2018

SHERIA YA FEDHA ZA SERIKALI ZA MITAA

(SURA 290)

SHERIA NDOGO

(Zimetungwa chini ya kifungu cha 6(1)(u) na 16(1))

SHERIA NDOGO ZA (USHURU WA HUDUMA) ZA HALMASHAURI YA MJI WA
KONDOA ZA MWAKA, 2018

- | | | |
|-----------------------------------|----|--|
| Jina na mwanzo wa kuanza kutumika | 1. | Sheria Ndogo hizi zitajulikana kama Sheria Ndogo za (Ushuru wa Huduma) za Halmashauri ya Mji wa Kondoa za mwaka 2018 na zitaanza kutumika baada ya kutangazwa katika Gazeti la Serikali. |
| Matumizi | 2. | Sheria Ndogo hizi zitatumika katika eneo lote la Mamlaka ya Halmashauri ya Mji wa Kondoa. |
| Tafsiri | 3. | Katika Sheria Ndogo hizi isipokuwa pale itakapoelekezwa vinginevyo:-

“Afisa Mwidhiniwa” maana yake ni ya Afisa yeyote wa umma aliyeteuliwa na Halmashauri kusimamia utekelezaji wa Sheria Ndogo hizi;

“Halmashauri” maana yake ni Halmashauri Mji wa Kondoa; |

Sura 212

“Hesabu” maana yake ni jumla ya mauzo ya bidhaa, kazi au Huduma katika mwaka wa fedha;

“Kampuni” maana yake ni kampuni iliyosajiliwa kwa mujibu wa Sheria ya Makampuni;

“Kipindi cha Hesabu” maana yake ni muda ambao mfanyabiashara anatakiwa kuwasilisha hesabu za biashara zake kwa Halmashauri;

“Mkurugenzi” maana yake ni Mkurugenzi wa Halmashauri au na Afisa yeyote atakayeteuliwa kutekeleza majukumu ya Mkurugenzi;

“Mkusanya kodi” maana yake ni mtumishi au wakala aliyeteuliwa na Halmashauri kukusanya kodi chini ya Sheria Ndogo hii;

“Taasisi ya biashara” maana yake ni taasisi inayofanya biashara, kazi au kutoa huduma kwa lengo la kupata faida;

“Tawi la kampuni” maana yake ni tawi la kampuni lililosajiliwa kwa mujibu wa Sheria ya Makampuni ambayo inafanya shughuli zake katika eneo la Halmashauri;

“Ushuru wa Huduma” maana yake ni Ushuru unaotozwa na Halmashauri kutoka kwa kampuni, tawi la kampuni, taasisi ya biashara au mfanyabiashara kwa huduma anazopata kutokana na kutumia miundombinu ya umma inayomuwezesha kufanya biashara katika eneo la

Sheria Ndogo Za (Ushuru wa Huduma) Za Halmashauri ya Mji wa Kondoa
Tangazo la Serikali Na. 515 (Linaendelea.)

Halmashauri;

“Ukokotoaji” maana yake ni namna ya kuandaa
kiasi cha Ushuru wa Huduma
kinacholipwa kwa mujibu wa kifungu cha
7 cha Sheria Ndogo hizi.

Utozaji wa
Ushuru wa
Huduma

4. Halmashauri itatoza Ushuru wa Huduma kwa kampuni, tawi la kampuni, taasisi ya biashara, kwa kiwango kisichozidi asilimia sifuri nukta tatu (0.3%) kutokana na uzalishaji wa bidhaa, kazi na huduma zinazofanyika ndani ya eneo la Halmashauri ukiondoa Kodi ya Ongezeko la Thamani (VAT) na Kodi ya bidhaa (excise duty).

Uwasilishaji
wa taarifa
kuhusu
shughuli za
kibiashara

5. (1) Mkurugenzi kwa taarifa ya kimaandishi, anaweza kumtaka mlipa kodi au mkusanya kodi yeyote kuwasilisha hesabu zenye taarifa kamili za shughuli za biashara zikionyesha kiasi cha thamani ya kifedha ya bidhaa au huduma zilizozalishwa, kutolewa, kuingizwa, kusambazwa, au kuuzwa kibiashara, taarifa ya fedha katika kipindi kisichozidi siku thelathini tangu tarehe ya taarifa hiyo.
- (2) Kila mfanyabiashara atawasilisha kwa Halmashauri taarifa sahihi za hesabu za mauzo ya kila mwezi husika na atalipa Ushuru wa Huduma kwa mujibu wa viwango vitakavyotokana na hesabu hizo na kwa wafanyabiashara wasio na vitabu vya hesabu watakokotolewa na Halmashauri kwa mujibu wa Sheria Ndogo hizi.
- (3) Mkurugenzi anaweza kumtaka kwa maandishi mtu yeyote mwenye taarifa kuhusu

Sheria Ndogo Za (Ushuru wa Huduma) Za Halmashauri ya Mji wa Kondoa
Tangazo la Serikali Na. 515 (Linaendelea.)

mfanyabiashara anayepaswa kulipa Ushuru kwa mujibu wa Sheria Ndogo hizi, kuwasilisha kwake taarifa ambazo zitatumika kama taarifa sahihi.

Uwezo wa
kuingia
kwenye
jengo

6. (1) Mkurugenzi anaweza kumwagiza kwa maandishi Afisa mwidhiniwa au Wakala kuingia kwenye jengo au eneo la taasisi ya kibiashara au la mlipa kodi au mkusanya kodi yeyote kwa nia ya kufanya uchunguzi na tathmini ya kumbukumbu za biashara, vitabu vya hesabu na taarifa nyinginezo kama atakavyoona inafaa kufanyiwa uchunguzi kwa ajili ya kupata na kujua kiwango sahihi cha kodi anachotakiwa kulipa mlipa kodi.
- (2) Kwa nia ya kupata taarifa kwa mujibu wa kifungu cha 6(1) cha Sheria Ndogo hizi Mkurugenzi anaweza kumtaka mtu yeyote kufika mbele yake au kwa Afisa Mwidhiniwa katika muda na mahali kadiri atakavyoona inafaa.

Ukokotoaji
wa Ushuru
wa Huduma

7. Halmashauri kwa kuzingatia taarifa zilizowasilishwa kwa mujibu wa kifungu cha 4 cha Sheria Ndogo hizi itakokotoa na kutoza Ushuru wa Huduma.

Uwasilishaji
wa taarifa

8. Kila mlipa au mkusanyaji kodi ya huduma atatakiwa kutoa na kuwasilisha hesabu na kulipa kodi anayotakiwa katika muda anaopaswa kama ifuatavyo:-

- (a) kwa waagizaji bidhaa kutoka nje ya nchi watalipa ushuru wa Huduma asilimia 0.3% katika muda kama

itakavyokuwa imeelezwa na Kamishna wa Kodi ya Forodha na kodi ya mlaji;

- (b) wazalishaji wa bidhaa za viwandani watalipa ushuru wa Huduma asilimia 0.3% kama itakavyokuwa imeelekezwa na Kamishna wa Kodi ya ongezeko la thamani (VAT) isipokuwa haitakuwa zaidi ya muda wa kulipa Kodi ya mlaji au kodi ya ongezeko la thamani (VAT);
- (c) kwa walipaji wengine ambao siyo taasisi, kampuni malipo yatafanyika katika awamu nne (4) baada ya kuanza kwa mwaka wa fedha kama ifuatavyo;
 - i) awamu ya kwanza Julai –Septemba,
 - ii) awamu ya pili Oktoba –Desemba,
 - iii) awamu ya Tatu Januari- machi,
 - iv) awamu ya Nne April –Juni.

Hesabu za
mlipa kodi
asiyewasilish
a taarifa

9. Iwapo mlipa kodi hajawasilisha majumuisho ya hesabu zake kwa mwaka wowote wa mapato aidha ametakiwa kufanya hivyo na Mkurugenzi anafikiri kwamba Mlipa kodi huyo ana wajibu wa kulipa kodi mwaka huo anaweza kwa kadiri anavyoona, kuamua kiwango cha hesabu za mlipa kodi huyo isipokuwa tathmini hiyo haitaathiri wajibu wowote wa mlipa kodi anayostahili kwa mujibu wa Sheria Ndogo hizi kwa kushindwa kwake uwasilishaji wa hesabu hizo.

Muda wa
kulipa kodi

10. Kodi iliyotathminiwa kwa mujibu wa Sheria Ndogo hizi italipwa ndani ya kipindi cha siku thelathini tangu tarehe ya kufanya tathmini.

Sheria Ndogo Za (Ushuru wa Huduma) Za Halmashauri ya Mji wa Kondoa
Tangazo la Serikali Na. 515 (Linaendelea.)

Uteuzi wa
wakala

11. (1) Halmashauri inaweza kuteua Kamishna wa Kodi ya forodha au kodi ya mapato au wakala kutathmini na kukusanya kodi ya huduma na kuwasilisha kwa Halmashauri kwa wakati kama ilivyoelekezwa kwa lengo la kufanya tathmini, kukusanya na kupata kodi pamoja na madeni yake.

(2)

Mlipa kodi, mkusanya kodi au wakala yeyote akishindwa kuwasilisha kodi yake au ya mlipa kodi atachukuliwa kama hajalipa kodi na anastahili au kuwajibika kulipa kodi kama hiyo kama vile ndiye mlipa kodi ya Halmashauri na njia zote za kukusanya madeni zitatumika dhidi yake kama vile ndiye mlipaji kodi husika.

Makosa

12.

Mtu yeyote atakuwa ametenda kosa iwapo;

- (a) atashindwa kuwasilisha hesabu sahihi;
- (b) atashindwa kuwasilisha nyaraka, maelezo au taarifa inayotakiwa kuwasilishwa kwa Halmashauri katika muda uliowekwa;
- (c) atashindwa kutunza kumbukumbu, kitabu au hesabu za mauzo yake;
- (d) atashindwa kuonyesha kumbukumbu yoyote au nyaraka kwa ajili ya uchunguzi;
- (e) akifanya hesabu za uongo kwa kupunguza au kutoa hesabu zisizokuwa sahihi;
- (f) atatoa taarifa isiyokuwa sahihi kuhusu jambo lolote linaloweza kuathiri jukumu lake au la mtu mwingine la kulipa kodi;
- (g) ataandaa au kutengeneza au kusababisha kuandaliwa au kutengenezwa kwa vitabu vya uongo

Sheria Ndogo Za (Ushuru wa Huduma) Za Halmashauri ya Mji wa Kondo
Tangazo la Serikali Na. 515 (Linaendelea.)

vya mahesabu au kumbukumbu;

- (h) atamzuia au atajaribu kumzuia Afisa Mwidhiniwa kutekeleza majukumu yake aliyopewa kwa mujibu wa Sheria Ndogo hizi;

- | | | |
|---------------------|-----|--|
| Adhabu | 13. | Mtu yeyote atakayekwenda kinyume na masharti ya Sheria Ndogo hizi atakuwa ametenda kosa na akipatikana na hatia atatozwa faini isiyopungua shilingi laki mbili (200,000/=) au kifungo kisichopungua miezi kumi na mbili (12) jela na kisichozidi miaka miwili (2) jela au adhabu zote mbili kwa pamoja yaani faini na kifungo. |
| Kufifilisha
kosa | 14 | Mkurugenzi anaweza kumtoza mtu yeyote faini isiyopungua shilingi laki mbili (200,000/=) na isiyozidi shilingi laki tano (500,000/=) iwapo mkosaji atakiri kosa kwa maandishi na kukubali kutekeleza wajibu wake pamoja na kulipa faini anayodaiwa kama ilivyoelekezwa kwenye Jedwali la Sheria Ndogo hizi. |

Sheria Ndogo Za (Ushuru wa Huduma) Za Halmashauri ya Mji wa Kondoa
Tangazo la Serikali Na. 515 (Linaendelea.)

JEDWALI

KUFIFILISHA KOSA
(Limetungwa Chini ya kifungu cha 14)

Mimi.....nakiri kwa hiari yangu mwenyewe
mbele ya.....ambaye ni Mkurugenzi wa
Halmashauri ya Mji wa Kondoa kwamba mnamo tarehe.....ya
mwezi.....mwakanilitenda kosa la kukiuka
masharti ya kifungu chacha Sheria Ndogo za (Ushuru wa
Huduma) za Halmashauri ya Mji wa Kondoa za mwaka 2018.

Kwa mamlaka aliyopewa Mkurugenzi wa Halmashauri. niko tayari kulipa kiasi
cha Ushuru wa Huduma ninachodaiwa pamoja na faini.

NATHIBITISHA KWAMBA MAELEZO HAPO JUU NI YA KWELI NA
NIMEYATOA KWA HIARI YANGU KADRI YA UFAHAMU WANGU

Leo tarehe.....ya mwezi.....Mwaka.....

Jina.....

Saini.....

Mbele ya:

Jina.....

Cheo.....

Saini.....

Sheria Ndogo Za (Ushuru wa Huduma) Za Halmashauri ya Mji wa Kondoa
Tangazo la Serikali Na. 515 (Linaendelea.)

Nembo ya Halmashauri ya Mji wa kondoa imebandikwa kwenye Sheria Ndogo hizi kufuatia azimio lililopitishwa kwenye Mkutano wa Halmashauri uliofanyika tarehe 13/5/2017 mbele ya:-

KHALIFA KONDO
Mkurugenzi wa Mji
Halmashauri ya Wilaya ya Kondoa



HAMZA MAFITA
Mwenyekiti
Halmashauri ya Wilaya ya Kondoa

NAKUBALI,

DODOMA,
15 Agosti, 2018

SELEMANI S. JAFO (MB.),
Waziri wa Nchi-OR-TAMISEMI